

Sungai Lang dilanda air pasang besar

SABAK BERNAM - Beberapa kawasan di Sungai Lang di sini ditenggelami banjir akibat limpahan air laut berikutan fenomena air pasang besar yang dikaitkan dengan gerhana bulan penumbra.

Seorang peniaga kedai makanan, Saiful Azhar Bakri, 46, berkata, kejadian pada kira-kira pukul 5.30 pagi semalam menyebabkan premis miliknya dibanjiri limpahan air laut hampir 0.6 meter.

Menurutnya, kejadian seumpama itu merupakan

pertama kali dialaminya sejak setahun berniaga di situ.

"Saya terkejut apabila mendapati kedai makan saya dibanjiri air ketika datang ke kedai untuk memulakan operasi kira-kira pukul 8.30 pagi tadi (semalam).

"Kejadian air pasang besar kali ini adalah luar biasa kerana paras air



FENOMENA air pasang besar menyebabkan beberapa buah kampung di Sungai Lang, Sabak Bernam ditenggelami air semalam.

laut lebih tinggi daripada ban (benteng) menyebabkan air melimpah masuk dan membanjiri kawasan kedai," ceritanya ketika ditemui di sini semalam.

Ekoran kejadian itu dia men-

dakwa, kerugian RM3,000 apabila beberapa peralatan elektrik di kedainya rosak seperti dua peti ais dan mesin pengisar.

Gerhana bulan penumbra dikatakan berlaku pada pertengahan bulan ini.